

金

屑

編

書盾編自叙

余少慕玄宗長孫佛理通

叅知識博觀教乘都無所

得後因參楊岐公案有所

發明遂乃乘無底舟入針

孔海如知萬卷蓮經都是

弄獼猴底家具百端描弄無

能鍊銀鐵的鉤匙因拈出

古宿識之心盡屑七十二
則其間意興到處亦各殊
寫古詞者皆是百子諸佛相
傳之體不忍捨也
蘇子瞻曰

余弟子由從來言一妄言

今忽作禪語不心殆不可

曉夫以余之不敏玄小蘊

遠甚而人之信我復不如

彼公之信其事必以我為
誑言也夫

石公袁宏道撰

金屑編叙

咄盡大地是沙門一隻眼亘古亘
今明明不昧佛與衆生毫釐不隔
本自如如若道衆生實病佛能滅
度衆生者皆是於至無中紛然成

有於元明體轉增幻屑何以故一
切衆生離見無見見依見起以見
非見而欲覓見覓見爲屑離見卽
見見爲見影以見爲見是爲見見
見見爲屑元明體中是屑非有所

以道迷者是屑悟亦是屑周行七
步手指兩儀是眼中屑直指人心
見性成佛是眼中屑三玄要四料
揀五位君臣九十七圓相是眼中
屑乃至拈椎豎拂行棒行喝種種

機緣都是眼中屑到這裏眼睫眉
毛一時落盡你道識得向上事也
無尚未在良久曰有心待捉月中
兔須向白雲頭上飛如其不委請
讀此編笑雲居士袁中道撰

金屑編

錢唐後學馮懷校

明公安石公居士袁宏道 著

舉楞嚴吾不見時何不見吾不見之處若見不見
自然非彼不見之相若不見吾不見之地自然非
物云何非汝

看看三世諸佛在你脚跟下過了也直饒一踏
粉碎闍羅王未放你在

鍊壁銀山金剛栗棘放去非離拈來非卽海神

金屑編

清響齋藏板

不貴夜明珠滿把撮來當面擲

舉金剛應無所住而生其心

連雲棧三千里閉目橫行鬼門關十二重從頭
打出且道是甚麼人分上事諦聽諦聽

讚不及毀不及踏斷流水聲寫出飛禽跡無欠
無餘若太虛釋迦誓願從今畢

舉大涅槃吾教義如…三點

待案山點頭卽向汝道良久曰案山點頭也道

箇甚麼

南無僧南無佛南無法一棒一條痕
一掌一握血
閻黎不會待何如有箇方便直下將來問彌勒

舉圓覺居一切時不起妄念於諸妄心亦不息滅
住妄想境不加了知於無了知不辨真實

八字打開兩手分付還有眼開心見者麼如無
爲你重下註腳

難難須彌頂上駕缺船易易十字街頭尋酒肆
金剛拍手笑南辰聖僧髑髏百雜碎

舉世尊一日陞座大衆集定文殊白椎曰諦觀法
王法法王法如是世尊便下座

前不構村後不迭店這一雙不啣啗的老漢納
敗缺了也會麼

八十婆婆坐翠樓傍人無語自含羞朝來爲此
孫兒哭笑把花枝插滿頭

舉峽崛摩羅因持鉢至一長者門其家婦人正值
產難子母未分長者曰瞿曇弟子汝爲至聖何法
可免產難羅曰我乍入道未知此法待問世尊來
相報及返白佛佛曰我自從賢聖法來未嘗殺生
崛疾持佛語往告之其婦當時分免

心不負人面無慚色若約衲僧門下祇是事塲
笑柄

破袈裟破袈裟年湮代古欲開華枯來搭在刹

竿上引得烏鴉亂似麻

舉慧可問初祖曰我心未安乞師與安祖曰將心來與汝安可良久曰覓心了不可得祖曰我與汝安心竟

驢前馬後漢切忌承當爲甚如此驚王擇乳素非鴨類

白玉壺中貯清水千尺揅竿難到底不是渠儂心特淡大垂元在平田裏

舉百丈再參馬祖次祖自視繩牀角拂子師曰卽
此用離此用祖曰汝向後開兩片皮將何爲人師
取拂子豎起祖曰卽此用離此用師挂拂子於舊
處祖振威一喝師直得三日耳聾

咄睛乾不肯去直待雨淋頭作麼作麼

沒可把沒可休打失從前痛鼻頭衲衣裏就道
祇劫拄杖橫挑四大洲露柱笑石女羞中滴曹
源萬古秋

舉瀉山五峯雲巖侍立百丈次師問瀉山併却咽
喉唇吻作麼生道山曰却請和尚道師曰不辭向
汝道恐已後喪我兒孫問五峯峯曰和尚也須併
却師曰無人處斫額望汝問雲巖巖曰和尚有也
未師曰喪我兒孫

是卽是佛法未夢見在三十年後莫言不道
却請和尚道富貴應須致身早等閒金翅摩空
飛烈風吹折連天草吞不得

和尚也併却鷓鴣新淬夫容鏐少年一擊朔方
城青蛇飛出黃沙漠吐不得

和尚有也未七歲女兒圍珠翠鏡中不愛已容
顏愛他鏤畫雙鳳背便從這裏入

舉百丈上堂一老人隨衆聽法自云某於過去迦
葉佛住此山因學人問大修行人還落因果也無
某曰不落因果遂五百生墮埜狐身今請和尚代
一轉語師曰汝問老人曰大修行人落因果也無

師曰不昧因果老人言下大悟作禮曰某已脫桎
狐身

險險三千里外且喜沒交涉諸禪德作麼生是
沒交涉的句復云險險

第一險點卽不到第二險到卽不點咄大地茫

茫愁殺人東家害病西家喘復喝一喝曰腳頭
腳底

舉南泉曰江西馬祖道卽心卽佛王老師不恁麼

道不是心不是佛不是物

不得動着動着三十棒

追之不及放之不離雲迷谷口月隱寒谿桃紅
李白薔薇紫問着東君也不知

舉南泉因東西兩堂爭猫兒謂衆曰道得卽抹取
猶兒衆無對師便斬趙州自外歸師舉前語州乃
脫履安頭上而出師曰子若在卽救得也

低聲低聲三世諸佛直得鼻孔裏出氣雖然如

此猶有一人旁不肯在

未握輪王劒先收蓋代功
鍤圍披芥子海水入
針鋒得恁麼奇特踏得故鄉田地穩
任他南北與西東

舉南泉因僧問師歸丈室將何指南
師曰昨夜三更失却牛天明起來失却火

是甚麼○盡在這裏許

三更失却牛月明才掛樹稍頭
青草湖邊橫笛

冷夜淡風動白蘋洲

天明失却火青樓不閉葳蕤鎖東風昨夜到門
來送入桃花三四朶

舉歸宗曰僧辭問甚麼處去僧曰諸方學五味禪
去師曰我這裏只有一味禪曰如何是一味禪師
便打僧曰會也會也師曰道道僧擬開口師又打
醉裏乾坤壺中日月你道歸宗爲甚如此逞彊
元來元來

一味五味誰賤誰貴五味一味兩彩一賽平蕪
盡處是青山行人更在青山外

舉水潦叅馬祖禮拜起欲伸問次祖一踏踏倒師
大笑曰也大奇也大奇百千三昧無量妙義只向
一毫頭識得根源去

悟卽不無爭奈落第二頭何

也大奇也大奇箇中消息阿誰知不須更覓桃
源去一夜東風花滿枝

舉麻谷問臨濟大悲千手眼卽是正眼濟曰大
悲千手眼卽是正眼道道師近前拽臨濟下牀
却坐濟近前曰不審師擬議濟拽師下禪牀却坐
師便出去

兩矢相觸矢墜而塵不揚雖然如此要且不是
好手

你也掃我也掃丈六金身成一莖草世間萬事
不如常艷州黎勝青州棗

舉如會惠門徒憶誦卽心卽佛不已示衆曰心不
是佛智不是遺劒去久矣女方刻舟

棘何曲松何直鵠何白烏何黑道得許你會少
分

敲華兼蝶敲打艸帶蛇驚捩目尋空影徐行踏
水聲補有甚交涉當初祇道茅長耐燒了方知
路不平

舉魯祖常見僧來便面壁南泉聞曰我尋常教人

向佛未出世曾會取尚不得半箇他恁麼驢季去
月似彎弓少雨多風

收拾眉尖眊尾情無嗔無喜惡精神覺來一枕
淒涼怕不敢分明說向人

舉紫玉因于頓問如何是佛師召相公公應諾師
曰莫別求

建昌紙貴一狀領過

莫別求莫別求一趂趂翻四大洲認着依前還

不是小根魔子懣懣休

舉金牛每齋時昇飯桶到僧堂前作舞曰菩薩子
吃飯來

說真方賣假藥閻羅王殿前吃鍊棒有日在

菩薩子吃飯來勾引羅漢笑口開拈得舊時無
孔笛聲聲吹出古輪臺

舉浮杯因凌行婆禮拜與坐吃茶婆乃問盡力道
不得底句分付阿誰師曰浮盃無剩語曰未到浮

孟不妨疑着師曰別有長處不妨拈出婆歛手哭
曰蒼天中更添愁苦師無語曰語不知偏正爲人
卽禍生南泉聞苦哉浮孟被這老婆摧折一上婆
聞笑曰王老師少機關在澄一逢婆便問怎生是
南泉少機關在婆乃哭曰可悲可痛一罔措曰有
麼一合掌而立曰伎死禪和如麻似粟一舉似趙
州州曰我若見問教口啞一日未審和尚怎生問
州便打一曰爲甚打某甲州曰伎死漢不打裏待

幾時連打數棒婆聞却曰趙州合喫婆手中棒州
聞痛曰可悲可痛婆聞合掌曰趙州眼光爍破四
天下州令僧問如何是趙州眼婆豎起拳頭州作
偈曰當機覲面提覲面當機疾報汝凌行婆哭聲
何得失婆以偈答曰哭聲師已曉已曉復誰知當
時摩竭國幾喪目前機

明日大悲院裏有齋

落日溪山伴侶稀海門殘月送人歸
參天荆棘

橫官路那箇行人不掛衣復歛手曰蒼天蒼天
舉龐居士參馬祖問不與萬法爲侶者是甚麼人
祖曰待汝一口吸盡西江水卽向汝道士顛顛玄
旨

是卽是若恁麼悟去入地獄如射箭

一口吸盡西江水啞在這裏帝釋眉毛上丈長
蛇蚤高聲唱囉哩

舉藥山首造石頭便問南方見性之旨頭曰恁麼

也不得不恁麼也不得恁麼不恁麼總不得子作麼生師罔措曰子因緣不在此且往馬大師處去師到馬祖仍仰前問祖曰我有時教伊揚眉瞬目有時不教伊揚眉瞬目有時揚眉瞬目者是有時揚眉瞬目者不是師于言下大悟便禮拜祖曰你見甚麼道理師曰某甲在石頭處如蚊子上鐵牛祖曰如是如是

驢事未去馬事到來若是牢籠不肯住呼喚不

回頭的定不向人唾味下作生涯

二不雙一不隻赤身火裏行縮脚風頭立四十

九年拳捏空于七百箇口挂壁啍猶是這邊漢

舉丹霞遇天寒取木佛燒院主曰何得燒佛師曰
取舍利曰本佛何有舍利師曰無更燒兩尊院主
自後鬚眉墮落

江浦喝一喝云院主當時若下得這一喝非惟
鬚眉宛然且使丹霞上天無路入地無綱

金鴨沉沉篆縷輕夜溪巫峽夢難成枕前淚共
芭蕉雨隔箇窻見滴到明

舉黃蘗因裴相國拓一尊佛請名師召裴休休應
諾師曰與汝安名竟

只爲慈悲之故有落草之譚曾麼

金不博金水不洗水海闊天長白雲萬里江南
春盡鷓鴣啼不在樹頭在花底住住更參三十
年

舉馮山與仰山摘茶次謂仰曰終日祇聞子聲不見子形仰撼茶樹師曰子祇得其用曰未審和尚何如師良久曰和尚祇得其體師曰放子三十棒曰和尚棒教誰吃師曰放子三十棒

官不容針私通車馬

父不父子不子機用元來只如此咄父爲子隱子爲父隱直在其中矣

舉趙州一日到萊蕪執拄杖于法堂上從東過西

清總管廣福初
曰作甚麼師曰撲水曰我這裏一滴也無探甚麼
師以杖倚壁便下

一箇棺材兩箇死漢

朝捲簾暮捲簾綉閣羅幃快活三拈出少時香
拍板逢人便唱望江南

舉趙州因僧問狗子還有佛性也無曰無爲甚却
無師曰爲伊有業識在

趙州無此語莫謗他古人好

無無西天鬪子沒髭須月明海上閒來往撞着
鮫人滿面珠

舉岑大蟲因秀才看千佛名經問百千諸佛但見
其名未審居何國土師曰黃雀樓崔顥題後先輩
曾題否曰未曾師曰無事題取一篇好

借婆衫子拜婆年

黃雀樓黃雀樓芳草淒淒鸚鵡武洲眼前有景道
不得崔顥題詩在上頭

舉祇林每見僧來叅便曰魔來也以劒亂揮歸方丈如是十二年後置劒無言僧問十二年爲甚降魔師曰賊不打貧兒家

昨日栽茄子今朝種冬瓜

怎麼也得剎竿放出廣長舌不怎麼也得布袋撈起澄潭月一顆明珠轉玉盤用盡機關看不徹

舉臨濟示衆我有時先照後用有時先用後照有時照用同時有時照用不同時若是過量人向未舉已前撩起便行猶較些子

一人傳虛百人傳實雖然如此你還識他臨濟麼

三月桃花洞口鮮箇中消息許誰傳漁郎不識桃源路空入湘江五十年

舉仰山入門瀉山以兩手相交示之仰作女人拜

瀉曰如是如是

國清才子貴家富小兒嬌

學畫宮眉細細長芙蓉出水鬪新妝只知一笑
能傾國不信相看有斷腸

舉雪峰在德山作飯頭一日飯遲山擎鉢下法堂
峰晒飯巾次見德山乃曰鐘未鳴鼓未响托鉢向
甚處去德山便歸方丈峰舉似岩頭頭曰大小德
山未會末後句在山聞問頭曰汝不肯老僧那頭

密啟其意山乃休明日陞堂果與尋常不同頭至
僧堂前拊掌大笑曰且喜堂頭老漢會末後句天
下人總不奈伊何雖然祇得三年活山果三年示
滅

高高處觀之不足低低處平之有餘若向不高
不低處道得一句許你親見岩頭來

踢轉空王印撩開向上關霜飄紅樹冷風度碧
溪寒昨夜月明園裏過携花邀竹上闌干

舉洞山爲雲岩設齋僧問曰和尚還肯先師也無
山曰半肯半不肯曰爲甚不全肯山曰恐孤負幾
師

洞山欲報雲岩恩尚未在何故爲併半肯半不
肯

宛有頭債有主達摩何曾到唐土堪笑洞山老
古錐殺人那得藏刀斧

舉夾山因僧問如何是夾山境答猿抱子歸青嶂

裏鳥啣花落碧岩前

法眼云我二十年祇作境話會江浦云飯袋子
你恁麼會又爭得情知你向驢胎馬腹裏作活
計

滿目青山畫不成寒岩千古碧雲橫世人那得
知幽徑爭向峰前禮磬聲

舉興化因雲居在三峰化曰權借一問以爲影草
時如何居無對師云想和尚答這話不得不如禮

拜了退二十年後居云如今思量當時不消道箇
何必後遣化主到師處師問和尚三峰話答得也
未主舉前話師云雲居二十年祇道箇何必興化
卽不然爭如道箇不必

興化恁麼道且道是肯雲居不肯雲居若道是
肯這箇却成刺語若道是不肯爭奈刁刁相似
魚魯參差因成一頌

聽之不聞覷之無景攤向人前珍珠古錦龜毛

拂笑破明月臺兎角杖擔起摩天嶺

舉雲居因僧問僧家畢竟如何師曰居山好

江浦呵呵大笑

木石居鹿豕游山鬼作揖呌獼猴早晨王老來

擔柴午後張三去牽牛

咄

將謂有多少奇特

舉曹山因清銳問弟子孤貧乞師拯濟師曰近前來銳近前山曰泉州白家酒三盞猶道未沾唇

曹山祇解一手擡不解一手擲

白家酒未沾唇萬物無過出處新無端販入蘄
州去醉倒東西南北人

舉曹山因僧問朗月當空時如何師曰猶是階下
漢請師接上階師曰月落後相見

我早候白俟更候黑

清光特地淨無塵纖御從教不展輪兔缺桂殘
秋又老蘆花楓葉倍親人

舉曹山問強上座真身應物現形如水中月作麼

生說曰如驢覷井師曰祇道得八成曰和尚如何
曰如井覷驢

咄 僥你道井覷驢也只道得八成畢竟作麼生
道得十成去

驢覷井井覷驢從來少實勝多虛不見洞山曾
照影解道我今不是渠

舉疎山到大滙問和尚道有句無句是不曰是忽
然樹倒藤枯句歸何處滙呵呵大笑歸方丈山不

省後到明招處舉大瀉言句招曰可謂頭正尾正
祇是不遇知音師亦不省便問樹倒藤枯句歸何
處招曰却使瀉山笑更新師于言下大悟

瀉山用處較危明招收來太速當時若肯與本
分草料免賺他後代兒孫

住住碣石瀟湘千里路行行綠戶朱門無限情
寒山拾得相逢笑笑他同唱不同聲

舉疎山造塔主事將與錢師曰爲將三夾爲將兩

文爲將一文道得與吾親造塔來僧無語後舉似
大嶺嶺曰汝歸與疎山道若將三文與匠人和尚
此生決定不得塔若將兩文與匠人和尚與匠人
共出一隻手若將一文與匠人累他匠人鬚眉墮
落僧回如教而說山作禮曰大嶺有佛放光射到
此間雖然如此也是臘月蓮花大嶺後聞此語曰
我怎麼道早是龜毛長三尺

江浦云大嶺古佛只知盡法不管無良若是居

士卽不然若將三文錢與匠人和尚與匠人把
平行毘盧頂上若將兩文錢與匠人匠人卽得
和尚不得若將一文錢與匠人和尚盡情貶鍊
圍山匠人永墮無間地獄復喝一喝曰當時若
恁麼道不惟使疎山免進後語亦使天下後世
知恩有地只今莫有知恩者麼試道看
從來鼓瑟悲湘靈半在君山半洞庭今日曲終
人不見秋江贏得幾峰青

舉疎山手握木蛇僧問是甚麼山提起曰曹家女
夜夢不祥書門大吉

鎮日凝妝坐翠樓丁香高結小銀鈎無端一笑
珠簾裏箇箇相思白滿頭

舉乾峰因僧問十方薄伽梵一路涅槃門路在甚
處師以杖劃云在這裏僧請益雲門門拈起扇子
曰扇子踣跳上三十三天築着帝釋鼻孔東海鯉
魚打一棒雨似傾盆會麼

一得一失

雲門扇乾峰杖十字街頭無背向一聲塞雁向南來翻身已過秋江上

舉洛浦到夾山不禮拜乃當面叉手而立山曰雞棲鳳巢非其同類出去師曰自遠趨風請師一接山曰目前無閣黎此間無老僧師便喝山曰住莫草草忽忽截斷天下人舌頭卽不無閣黎爭教無舌人解語師佇思山便打因茲服膺

矢到弦上不得不發然雖如此仔細檢點來未
免一坑埋却

殺人刀一毫不傷白日寒生六月霜活人劍一
毫不度青海夜沉千里霧不是翩翩俠少年知
君難學邯鄲步復云識法者懼

舉芭蕉上堂你有拄杖子我與你拄杖子你無拄
杖子我奪却你拄杖子

劈腹剜心

與麼與麼量多成少不與麼不與麼拈梁作棗
與麼不與麼古佛堂前狗尿天不與麼與麼鴉
頭女子白頭早喚會麼採得疎山臘月蓮栽成
洞嶺初秋草

舉瑞岩每喚主人公自應諾乃曰惺惺着他後莫
受人謾

不是僧繇手徒說會丹青

白石灘頭釣艇橫閑歌款乃到天明許多客夢

離愁裏道是陽關第一聲

舉玄沙垂語曰諸方老宿盡道接物利生祇如三種病人汝作麼生接患盲者拈椎豎拂他又不見患聾者語言三昧他又不聞患啞者教伊說又說不得若接不得佛法無靈驗

請和尚歸方丈喫茶

空王一粒丹諸方三種病甘露亦傷人砒霜能活命自從海上競傳方無孔鑊鎚生異症是甚

麼症痰火

舉玄沙見僧來曰禮拜着因我得禮你

買帽相頭食魚去骨

你禮我我禮你三世諸佛沒口嘴風動荷香撲

鼻間元來只在藕池裏

舉玄沙因僧侍立以拄杖指地上一點白問曰見麼如是三問皆云見師曰你也見我也見爲甚麼道不會

有麝自然香何用當風立

你也見我也見十地菩薩隔羅幔饒君舉得十

分親總是空中堆麥麩

頃

雪峰道底

舉保福舉雪峰話問鷺湖云僧堂前相見卽且置
望州亭烏石嶺作麼相見湖驟步歸方丈師亦低
頭入僧堂

江浦笑云恁麼舉動伶俐卽不無若要與雪峰
相見尚涉程塗在

一對龍鍾老叟兩箇潦倒先生算盡人間八字
不識五星子平

舉鏡清因僧問新年還有佛法也無曰有如何是
新年佛法師曰元正啟祚萬物咸新曰謝師答話
曰鏡清今日失利又僧問明教教曰無日日是好
日爲甚却無曰張公吃酒李公醉曰老老大大龍
頭蛇尾曰明教今日失利

徐六檐板各見一邊若是居士卽不然新年還

有佛法也無劈脊便打

新年佛法鏡清有漢水不流須彌走新年佛法
明教無比丘尼不是師姑道有道無二俱錯虛
空蕩蕩真寥廓不是絕力李將軍教人難射飛
天鶚

舉孚上座因鼓山赴大王請雪峰曰一隻聖箭九
重城裏去也孚曰待某甲勘過遂至中路便問師
兄甚處去山云九重城裏去孚曰三軍圍繞時如

何山曰他家自有通霄路乎曰恁麼離宮失殿去
也山曰何處不稱尊師拂衣便行謂雪峰曰聖箭
折了也峰曰渠奴語在乎曰這老凍膿猶有鄉情
在

曾有僧以此問居士居士以手作鵲鳩嘴曰古
谷呱

朝起早夜眠遲只爲春色大芳菲昨日百花叢
裏過歸來一葉不沾衣

舉雲門乾坤之內宇宙之間

士云可惜門中

有一寶秘在形山

士云草裏漢

將燈籠向佛殿裏

士云兩手扶翠水過膝

將三門來燈籠上

士云將

謂有多少奇特

作麼生

士云作賊人心虛

自代曰

逐物意移

士云喪身失命

又曰雲起雷典

士彈指

三下

休休美人妝點曲江樓逗客祇緣歌屢變泥人

嬌在不擡頭羞麼羞

舉雲門因僧問如何是祖師西來意曰日裏看山

堦生招箭

看山好莫被白雲瞞了平蕪盡處曉烟攢天涯

一點青山小

舉僧問雲門如何是法身答六不收圓悟別田旨
不立

何不與本分艸料

六不收一不立金谷貧兒倚門泣和尚叉手拜

丈人無縫毳子兩頭錫

舉雲門因僧問樹凋葉落時如何答體露金風
雲門恁麼道也只曲爲今時殊不知向上更有
事在

黃葉落大好秋金色稜稜滿樹頭公子趁風珠
勒馬美人吹月小梁州宋玉高唐休未休

舉禾山因僧問萬法齊興時如何師曰解打鼓咏
山有四打鼓合此爲五

南山起雲北山下雨

禾山鼓禾山鼓海神按節天女舞等閑一擊歟
人前大地茫茫無寸土復喝一喝曰王令稍嚴
不許攙行奪市

舉風穴因僧問如何是清淨法身曰金沙灘頭馬
郎婦

有枝攀條無枝攀例

日日高樓理翠眉人前贏得少年時秋千背面

拋紅豆入骨相思知不知

舉薦福因僧問如何是佛曰莫莫又問如何是西
來意曰莫莫

龍頭蛇尾

莫莫後人踏到前人脚莫莫撩天鼻孔亦穿却
白日擎拳入市門翻身擊破普化鐸

舉首山因僧問如何是佛答新婦騎驢阿家牽
葵花向日柳絮隨風

牽牽入市衝街買少年義和暫借黃金勒列缺
親遺白玉鞭離四句絕三玄一段風流滿大千
舉法眼因僧來叅以手指簾尋有二僧同去捲簾
師曰一得一失

易分雪裏粉難辯墨中煤

道得也是三月桃花香撲鼻道失也是紅粉佳
人入佛寺道得也總未得金剛寶劒當頭截道
失也總未失脫却布衫赤骨律噫吁歎噫吁歎

滿地黃金識者稀
青山只解磨今古
流水何曾洗是非

舉智門因僧問蓮華未出水時如何曰蓮華出水後如何曰荷葉

索鹽奉馬

蓮花香香似玉女解瑤裝
荷葉團團似仙人承露盤
花花葉葉自葳蕤
含嬌含態少年時
芳心最怯西風早
怕有飄零君不知

舉法燈問僧如何是西來意答不東不西師不肯
僧却問如何是西來意師曰不東不西僧領厥旨
應病設藥卽不無西來意未曾在

也不東也不西江南江北信馬蹄三月黃鸝枝
上語行人疑是鷓鴣啼

舉慈明到神鼎堙堙未發問明高聲曰屋倒矣堙
反顧明便走曰見面不如聞名堙嘆曰汾陽乃有
此兒

這箇話叢林中商量者甚多錯會者不少何故
爲他盡作得失論量殊不知鼎堙是箇真獅子
兒若不是石霜定乾坤的眼泊合蹉過這漢

汾陽兒汾陽兒踞地金毛獅子威鼎堙豈無拔
山力要且施他陷虎機

舉慈明問陽岐馬祖見讓師便悟去且道迷在甚
處曰悟卽易迷卽難

面赤非干酒桃花色自紅

悟卽易迷卽難倚天長劒逼人寒今古不能提
得去山河大地黑漫漫叅

舉琅邪和尚問舉和尚近離甚處舉曰兩浙船來
陸來曰船來船在甚處曰步下不涉程途一句作
麼生道舉以坐具撼一撼曰杜撰長老如麻似粟
便拂袖而出琅邪問侍者此是甚麼人曰舉上座
琅邪遂親下且過堂問莫是舉上座麼莫惟適來
相觸忤舉便喝復問長老何時到汾陽曰某時到

舉曰我在浙江早聞你名緣來見解只如此何得名播寰宇琅邪遂作禮曰慧覺罪過

琅邪舉公二俱不是作家何故爲他只知把住不知放行若遇本分宗師教他措躬無地還會麼將軍自有家聲在不得封侯也是閑

白玉闌干白玉人東風吹起白羅巾朱顏的的人難近只有相思到翠顰

舉黃龍三關我手何似佛手我脚何似驢脚人人

盡有生緣

道得也三十棒道不得也三十棒

第一關十指錚錚帶鎖鑲當堂提得金剛杵三

十三天毛孔寒

咄

爬着我癢處

第二關草鞋移處玉珊珊端能百尺竿頭步方

顯靈砂一粒丹

咄

踏殺天下人

第三關生緣却在白雲端昨夜虛空忽落地和

風搭上玉闌干

咄

請續末後句

舉五祖演示衆人之性命事第一須是○欲得成此○先須防于○若是真○人○○

山門頭合掌佛殿裏燒香

第一第二三鷓鴣聲聲哀江南第四第五六赤

鳳翩翩

北滿目青山與白雲不知誰是儂

家屋

舉園悟因僧問西天蠟人爲驗此土以何爲驗曰
生鉞鑄就毘崙兒

因風吹火用力不多

崑侖兒崑侖兒戟髯胡頭闊面皮幾回走入白
雲裏賊殺南山一足夔

舉大慧竹篋子

有者道這箇話祇要人心行處絕言語道斷向
這裏識取咄若恁麼道不惟賠却人眼達摩一
宗掃土而盡聽取一偈

一舉一回別老鼠嚼生鏤貓兒在旁邊涎唾流

不輟

舉松源示衆曰明眼衲僧因甚打失鼻孔有賊無賊

山外青山樓外樓

也堪笑也堪憂眉毛元來近額頭只消一條拄杖子透出雲門六不收